



ՄԱՇՏՈՑԻ ԱՐՁԱԳԱՆԳ

Հայց. Առաք. Սուրբ Յակոբ Մայր Եկեղեցույ Կիրակնօրեայ Դպրոցի Պարբերաթերթ

Ժ. ՏԱՐԻ ԹԻԻ 4

Դեկտեմբեր 2002

Մեր խօսքը

Ամեն տարուայ պէս, այս տարի եւս հայ ընտանիքներ կը պատրաստուին ամանորի առթիւ իրենց աւանդական ընտանեկան հաւաքոյթին: Նոր տարին ընտանեօք դիմաւորել, միասնաբար աղօթքով ու մրգերով հարուստ սեղանի մը շուրջ... Բոլորիս ծանօթ, սիրելի եւ հարազատ մէկ պատկեր:

Հայկական ամանորի այս հաւաքոյթները մեզի մտածել կու տան ընտանիքին անփոխարինելութեան եւ կենսականութեան մասին: Ընտանիքի հասկացողութիւնը հայ ժողովուրդին մօտ շատ հիմէն ի վեր եղած է սրբութիւն ու անոր անդամներու միջեւ մտերմութեան, սիրոյ եւ հանդուրժողութեան զգացումները եղած են անսահման: Ընտանիքը ընկերային առումով ալ հաւասարակշռութեան աղբիւր է, այն իմաստով որ ընդունուած իրականութիւն է թէ մանուկներ եւ պատանիներ շատ աւելի առողջ զարգացում կ'ունենան երբ հաստատուն ընտանեկան կառուցի մը կը պատկանին:

Ընտանիք պահել կամ ընտանիքի պատկանիլը սակայն միշտ ալ դիւրին չէ: Ծնողներուն կողմէ կը պահանջէ, իրարու հանդէպ հարդուրժող կեցուածք եւ հասկացողութիւն իսկ զաւակներուն հանդէպ՝ սէր, անսահման համբերութիւն եւ տրամադրուածութիւն: Զաւակներուն կողմէ ընտանիքի մաս կազմելը կը պահանջէ փոխադարձ հասկացողութիւն, ընտանիքի ներքին օրէնքներուն յարգանք եւ ընտանեկան կեանքէն ներս՝ մասնակցութիւն:

Ընտանիքի հասկացողութիւնը հայերուս համար կը մնայ սրբութիւն: Ծարունակներ պաշտպանել մեր մէջ արմատացած այդ սրբութիւնը իբր հարստութիւն եւ իբր Աստուծոյ կողմէ մեզի պարգետուած շնորհ:

Բովանդակութիւն

- Եթէ բարեպաշտութիւնդ զուր կը թուի քեզ
- Նոր տարին
- Խօսինք Նոր Տարուան մասին
- Նաւասարդեան օրեր
- Կաղանդի յատուկ խաղ
- Յակոբ Մծբնացի Հայրապետ
- Դեկտեմբեր ամսուան աւագ տօներէն
- Սուրբ Պետրոս եւ Սուրբ Պօղոս առաքեալներ
- Պօղոսի ապաշխարութիւնը
- Մանկապարտէզի անկիւն
- Նախակրթարանի անկիւն
- Երկրորդականի անկիւն
- Ընդհանուրի անկիւն
- Նոյեմբեր ամսուան պատասխաններ
- Կարճ պատմական Հայաստանեայց Առաքելական Սուրբ Յակոբ Մայր Եկեղեցույ
- Վերջին եղելինը
- Պահուած բառ
- Սուրբ Յակոբի նուիրուած շարականը
- Կարճ լուրեր կիրակնօրեայէն

Հետեւաբար լոյսի որդիներուն վայել ձեւով ապրեցէք. որովհետեւ լոյսին պտուղներն են բարութիւնը, արդարութիւնը եւ ճշմարտութիւնը: Զանազէք հասկնալ թէ Աստուած ի՞նչ կ'ուզէ ձեզմէ, եւ բնաւ մասնակից մի՛ ըլլաք խաւարին գործերուն, որոնք Աստուծոյ կամեցած պտուղները չեն տար:

Եփեսացիներուն 5.8-11

Եթէ բարեպաշտութիւնդ զուր կը թուի քեզ, կարդա՛ Եփեսացիներուն 5.1-2,6-20

Աստուծոյ նմանեցէք, որպէս իր սիրելի որդիները, եւ սիրով շարժեցէք, այնպէս՝ ինչպէս Քրիստոս մեզ սիրեց եւ մեզ փրկելու համար ինքզինքը Աստուծոյ ընծայեց որպէս անուշահոտ ընծայ եւ զոհ:

Հետեւաբար, չըլլայ որ ռեւէ մէկը պարապ խօսքերով ձեզ խաբէ. որովհետեւ այս բաներուն համար Աստուած իր բարկութիւնը պիտի թափէ անհնազանդ մարդոց վրայ: Ասկէ ետք ռեւէ յարաբերութիւն մի՛ ունենաք այնպիսիներուն հետ, որովհետեւ թէպէտ ժամանակ մը խաւար էիք, սակայն հիմա որ Տիրոջ միացաք՝ լոյս էք: Հետեւաբար լոյսի որդիներուն վայել ձեւով ապրեցէք. որովհետեւ լոյսին պտուղներն են բարութիւնը, արդարութիւնը եւ ճշմարտութիւնը: Ջանացէք հասկնալ թէ Աստուած ի՛նչ կ’ուզէ ձեզմէ, եւ բնաւ մասնակից մի՛ ըլլաք խաւարին գործերուն, որոնք Աստուծոյ կամեցած պտուղները չեն տար: Ընդհակառակը, ձաղկեցէ՛ք զանոնք, որովհետեւ մութին մէջ կը գործուին անոնց արարքները, որոնց մասին խօսիլն իսկ ամօթ է: Բայց բոլոր այդ ծածուկ արարքները Քրիստոսի լոյսով կը յայտնուին եւ կը յանդիմանուին, որովհետեւ լոյսը կը յայտնէ ամէն բան: . . .

Հետեւաբար ձեր ապրելակերպին ուշադրութիւն ըրէք: Մի՛ ապրիք անմտօրէն, այլ՝ իմաստուններու պէս: Օգտագործեցէ՛ք ժամանակը, որովհետեւ այս օրերը չար են: Ուստի անմտութիւն մի՛ ընէք. հասկցէ՛ք թէ ի՛նչ կ’ուզէ Տէրը ձեզմէ: Գերին մի՛ դառնաք գինիին, որ անառակութեան կը տանի. այլ մասնաւորաբար Սուրբ Հոգիով լեցուցէք, իրարու հետ սաղմոսներով, օրհնութիւններով եւ հոգեւոր երգերով խօսեցէք, եւ ձեր սիրտերուն մէջ միշտ երգեցէք ու սաղմոս ըսէք Տիրոջ, ամէն բանի համար միշտ շնորհակալութիւն յայտնելով Հօր Աստուծոյ, մեր Տիրոջ Յիսուս Քրիստոսի անունով:

Նոր տարին

Ահա եկաւ Նոր տարին,
Հետը բերաւ նոր բարին,
Փոքրիկ տղոց ուրախ օր,
Բարի զաւակ՝ հօրն ու մօր:

Մեր սիրելի Նոր տարին
Բերաւ տղոց նուշ, կաղին,
Սալորի հետ չամիչ, նուշ,
Փշատ ու չիր եւ ընկոյզ:

Փոքրիկ տղաք, մի՛ մոռնաք,
Աշխարհիս մէջ չէք մի՞նակ,
Ուրիշ շատ խելո՞ւ տղաք կան,
Աղքատ եւ անօգնական:



Խօսինք Նոր տարուան մասին

- Մարդիկ ինչպէ՞ս կը դիմաւորեն Նոր տարին:
- Ինչո՞ւ խելո՞ւ եւ անօգնական երեխաները պէտք չէ մոռնալ ուրախութեան օրերուն:
- Պատմեցէ՛ք թէ դուք ինչպէ՞ս կ’անցնէք Նոր տարուան տօնը:
- Որո՞նք են ձեր նախասիրած միջոցներն ու պտուղները:

Նալասարդեան օրեր

Պատմութեան հնագոյն ժամանակներէն սկսեալ, ժողովուրդներ ունեցած են ժամանակը տարիներու բաժնելու հասկացողութիւնը. եւ տարին անշուշտ ունեցած է սկիզբ մը, որ կոչուած է Ամանոր:

Մեր նախահայրերը մեզմէ դարեր առաջ, նոր տարին կը սկսէին ոչ թէ Յունուարին, ձմրան մէջ, այլ՝ աշնան, Օգոստոս ամսուան կէսին, երբ ծառերը ոսկի գոյն կ'առնէին եւ խաղողի այգիները պտղաբեր կը դառնային: Ամանորը այսպէսով կը յիշատակուէր բոլորովին տարբեր ամսուան մը սկիզբը, որ կը կոչուէր Նալասարդ: Իսկ ի՞նչ կը նշանակէ Նալասարդ: Ան երկու բառերէ կազմուած անուն մըն է. նալ-սարդա, որ պարթեւ իրանական լեզուով կը նշանակէ նոր տարի: Բաղդատական մը ընել թէ ուզենք, կարելի է ըսել թէ Նալասարդի սկիզբը կը համապատասխանէր ներկայի 11 Օգոստոս թուականին:


Նալասարդի տօները կը կատարուէին հայ ժողովուրդի անցեալի սուրբ քաղաքին Բագաւան քաղաքին մէջ որ կը գտնուէր Բագրեւանդ գաւառի սահմաններէն ներս: Այս քաղաքին մէջ

կը գտնուէին Անահիտի, Աստղիկի, Վահագնի եւ ուրիշ շաստուածներու մեհեանները: Արդէն ինքնին Բագաւան կը նշանակէ հեթանոս խորաններու քաղաք:

Իսկ ի՞նչ ձեւով կը լեցնէին հին ժամանակ հայերը Նալասարդեան այս օրերը: Հայաստանի ամէն կողմերէն Արածանի գետին եւ Նպատ լեռան շուրջ կը հաւաքուէին հազարաւոր մարդիկ, զօրքը, արքունիքը եւ հոգեւորականութիւնը, գոյնզգոյն վրաններ կը լարուէին ու հոն կը տօնէին Նոյ նահապետի, ջրհեղեղի, Արամազդ աստուածահօր եւ Անահիտ դիցուհիին յիշատակները: Այս տօնահանդէսներուն ընթացքին կը կատարուէին երգեր, պարեր, թատերախաղեր, գուշակութիւններ, զոհաբերութիւններ եւ նուէրներու փոխանակում:

Ըստ աւանդութեան, այս օրերուն, հին աստուածները Եփրատ եւ Արածանի գետերուն մէջ լոգանք առնելէ ետք, կը բարձրանային ձիւնապատ լեռներու կատարները ու այնտեղէն կը հովանաւորէին ուխտաւորներու տօնախմբութիւնները:

Կաղանդի յատուկ խաղ



- 1- Կաղանդ պապան եկեր է, չիր ու ... բերեր է:
- 2- Ամանորի զնգուն զանգեր, կրկին ...
- 3- Շերմակ մօրուք, ճերմակ մազեր, կարմիր ... է հագեր:
- 4- Կաղանդ պապան ուշ է, ուշ է ...
- 5- ... սահնակ մը կու գայ:
- 6- ... ճան ..., ինչ սիրուն ես ու ինչ պայծառ:
- 7- ... ինչ լաւն է տօնածառը:
- 8- Ուստի ... ջանացէք, ըլլալ բարի խելօքիկ:

Դեկտեմբեր ամսուան տօներէն՝ Սուրբ Յակոբ կամ Յակոբ Մծբնացի Հայրապետ

Առաքելական եկեղեցւոյ ամենէն աւելի ժողովրդականութիւն ունեցող սուրբերէն մէկն է Սուրբ Յակոբ Մծբնացի Հայրապետը: Իր յիշատակի տօնը կանուխէն հաստատուած է Առաքելական եկեղեցւոյ տօնացոյցին մէջ ու կը տօնուի ամէն տարի Դեկտեմբեր ամսուան կէսերուն, շաբաթ օրով մը: Հինէն ի վեր, կառուցուած մեծ թիով եկեղեցիներ կոչուած են Ս. Յակոբ: Գանատայի, Լիբանանի, Սուրիոյ, Իրանի եւ Միացեալ Նահանգներու հայաշատ քաղաքներ ունին համանուն եկեղեցիներ, ուր մատաղօրհնութեամբ եւ եկեղեցական փառաշուք հանդիսութիւններով կը նշուի Սուրբ Յակոբի տօնը: Նոյն օրը, աւանդութիւն է նաեւ ընտանիքներէն ներս շնորհաւորութեան եւ անուանակոչութեան ընդունելութիւններ ընել Յակոբ անունը կրող հարազատներու եւ սիրելի անձերու համար:

Սուրբ Յակոբի կեանքը

Սուրբ Յակոբ ծնունդով ասորի էր եւ ազգական Գրիգոր Լուսաւորիչին: Անոնք միասին դաստիարակուած էին Կեսարիոյ մէջ: Ս. Յակոբ իր քարոզներով, հրաշագործութիւններով եւ ճգնաւորի խիստ կեանքով նշանաւոր եղած է: Մասնակցած է Նիկիոյ մէջ կայացած համանուն եկեղեցական ժողովին 325 թուականին: Մծբնի աթոռին համար ձեռնադրուած է եպիսկոպոս, որ գուշակուած էր Մարուգէն ճգնաւորին կողմէ: Գրած է վարդապետական ճառեր, բարոյախօսական գրութիւններ եւ մատենագրութեան մէջ ծանօթ «Զգօն» գիրքը:

Ս. Գրիգոր նարեկացին հիացող մը եղած է Յակոբ Մծբնայ Հայրապետին, որուն նուիրած է իր ներբողական գրութիւններէն մէկը:

Սուրբ Յակոբին նուիրուած «Յաղթող եւ Սուրբ Հայրապետ» անունով գեղեցիկ շարական մը գրուած է: Այս շարականը հաւանաբար գրուած է այն դէպքին առթիւ ուր կը պատմուի թէ պարսիկ Շապուհ Բ. թագաւորը աշխարհաճաւալ իր արշաւանքներու ընթացքին կը հասնի Մծբն որ կը պաշարէ 70 օրեր շարունակ: Ընորհիւ Սուրբ Յակոբի քաղաքին ներսէն կազմակերպած միջոցառումներուն, ան անկարող կ'ըլլայ գրաւել Մծբնը: Այդ յաղթանակին առթիւ Ս. Ներսէս Ընորհալի կը ձօնէ իր այդ շարականը:

Այս շարականին թարգմանութիւնը կրնաս կարդալ էջ 13-ի վրայ:

Գիտէիր թէ...

Պատմութեան մէջ, Սուրբ Յակոբ առաջին անձն է որ Արարատի գագաթը բարձանալու յանդգնութիւնը ունեցած է: Կը պատմուի թէ ցոյց տալու համար Աստուածաշունչի պատմութիւններու ճշգրտութիւնը, ան որոշած է բարձրանալ Արարատ լեռան գագաթը եւ բացայայտել Նոյեան Տապանը: Սակայն վերելքը սարսափելի դժուար ըլլալով անկարող կ'ըլլայ հասնիլ մինչեւ գագաթ ու կը վերադառնայ իր հետ բերելով Նոյեան տապանէն կտոր մը միայն: Ըստ աւանդութեան հրեշտակ մը այդ կտորը իրեն կը նուիրէ, առ ի գնահատանք իր ցուցաբերած զօրաւոր հաւատքին եւ նպատակին հանդէպ հաստատամտութեան: Մինչեւ այսօր, այդ մասունքը իբր սրբութիւն կը պահուի Էջմիածնի գանձատան մէջ:

Դեկտեմբեր ամսուան ասագ տօն Սուրբ Պետրոս եւ Սուրբ Պօղոս առաքեալներ

Հայաստանեայց եկեղեցին, ամէն տարի Դեկտեմբեր ամսուան վերջին շաբթուան ընթացքին Սուրբ Պետրոս եւ Սուրբ Պօղոս առաքեալներուն անուան յիշատակութիւնը կը տօնէ, որոնց հանդէպ հայ ժողովուրդը ունեցած է մասնաւոր սէր: Այս երկու անուններն ալ ընդհանրացած են մեր ժողովուրդին մօտ:

Պետրոս Առաքեալ

Պետրոս, որուն բուն անունն էր Սիմոն, այդպէս կոչուած էր Յիսուսի կողմէ: Պետրոս կը նշանակէ վէմ, ժայռ ու Յիսուս յայտարարած է որ իր եկեղեցին պիտի հիմնէ անոր վրայ: Ան էր որ Յիսուս ուրացաւ երեք անգամ: Սակայն անով հանդերձ, խաչելութեան յաջորդօրն իսկ Յիսուս երեւցաւ անոր եւ թելադրեց որ Երեւումը եւ իր պատգամը փոխանցէ 12 առաքեալներուն:

Պետրոս Առաքեալ գրած է երկու ընդհանրական նամակներ որոնք մաս կը կազմեն Նոր Կտակարանին:

Առաջին նամակը ուղղուած է «Աստուծոյ ընտրեալներուն», այսինքն քրիստոնէաներուն: Անոր գլխաւոր նպատակն է քաջալերել ընթերցողները, որոնք իրենց քրիստոնէական հաւատքին համար հալածանքներու եւ նեղութիւններու դիմաց կը գտնուէին:

Պետրոս Առաքեալի երկրորդ նամակը ուղղուած է առաջին դարու քրիստոնէաներու լայն շրջանակի մը ու անոր գլխաւոր նպատակն է պայքարիլ սուտ ուսուցանողներու տարած աշխատանքին դէմ: Մոլորեցնող ուսուցումներէ եւ անպարկեշտ կենցաղէ հեռու



Պօղոս Առաքեալ

պահելու համար քրիստոնէաները, առաքեալը կոչ կ'ուղղէ անոնց որ կառչած մնան Աստուծոյ եւ Յիսուս Քրիստոսի:

Այս երկու նամակները կարելի է կարդալ Նոր Կտակարանին մէջ, «Պետրոսի առաջին» եւ «Պետրոսի երկրորդ» վերնագրին տակ:

Պօղոս Առաքեալ, որ նաեւ կը կոչուի Սողոս կամ Սաւուղ, հրեայ բարեկեցիկ ընտանիքի մը զաւակն էր: Իր ստացած կրթութեամբ ան դարձաւ կարծր եւ օրինապահ հրեայ մը որուն պարտականութիւն տրուեցաւ մեկնիլ Դամասկոս եւ հոն կարգ մը ձերբակալութիւններ ընել: Ահա թէ ինչպէս ճամբու ընթացքին պատահեցաւ Պօղոսի դարձը:

Պօղոսի ապաշխարութիւնը

Ծամբորդութիւն դէպի Դամասկոս

Սաւուղ կը շարունակէր հալածել Յիսուսի հետետորդները: Ան կը սպառնար բանտարկել բոլոր անոնք, որոնք Յիսուսի հաւատարիմ էին:

Սաւուղ եկաւ աւագ քահանային մօտ եւ անկէ նամակներ խնդրեց, ուղղուած Դամասկոս ապրող հրեայ ղեկավարներուն, որպէսզի կարենայ Յիսուսի հետետորդները ձերբակալել, եւ Երուսաղէմ բերելով բանտ նետել:

Աւագ քահանայէն Դամասկոսի հրեայ ղեկավարներուն ուղղուած նամակներ առնելէ ետք, ան ճամբայ ինկաւ դէպի Դամասկոս: Դամասկոսի մօտերը Սաւուղի շուրջ յանկարծ լոյս մը փայլեցաւ: Ան գետին ինկաւ եւ լսեց ձայն մը, որ իրեն կ'ըսէր. «Սաւուղ, ինչո՞ւ զիս կը հալածես»:

«Ով ես Տէր», – հարցուց Սաւուղ:

Ձայնը պատասխանեց. « Ես Յիսուսն եմ զոր դուն կը հալածես: Ոտքի կանգնէ եւ Դամասկոս մտիր եւ քեզի այնտեղ կ'ըսես թէ ինչ պիտի ընես»:

Երբ ան ոտքի կանգնեցաւ, նայեցաւ շուրջը բայց բան չտեսաւ:

Անոր ուղեկցողները զարմանքէն քարացած կը լսէին Յիսուսի ձայնը, սակայն ոչ ոք կը տեսնէին:

Փոխուած մարդը

Սաւուղի ընկերակցող մարդիկը անոր ձեռքէն բռնած զինք տարին Դամասկոս: Կոյր վիճակով ան երեք օր սպասեց: Ոչ կերաւ ու ոչ ալ խմեց:

Դամասկոսի մէջ կ'ապրէր Անանիա անունով մարդ մը, որ Յիսուսի հետետորդներէն էր: Տեսիլքի մէջ Յիսուս երեցաւ անոր եւ ըսաւ. «Գնա՛ այն փողոցը որ Ուղիղ կը կոչուի եւ Յուդայի տան մէջ հարցուր Տարսուցի Սաւուղի մասին, որ այս պահուն կ'աղօթէ»:

«Տէր, – պատասխանեց Անանիա, – շատերէն լսած եմ այդ մարդուն մասին, թէ ինչպէս Երուսաղէմի մէջ եւ ամէն տեղ Քու հաւատացեալներդ կը հալածէ: Ան այստեղ եկած է աւագ քահանաներուն կողմէ ձերբակալելու համար բոլոր անոնք, որոնք քեզի կը հաւատան»:



Յիսուս ըսաւ անոր. « Դուն գնա՛: Ես զինք ընտրած եմ, որպէսզի իմ անունս տարածէ հեթանոսներուն եւ հրեաներուն մէջ եւ թագաւորներու դիմաց: Ես անոր ցոյց պիտի տամ թէ ան որքան չարչարանք պիտի կրէ իմ անուանս համար:»

Անանիա գնաց այն տունը ուր կը գտնուէր Սաւուղ: Ձեռքը դրաւ անոր գլխուն եւ ըսաւ. « Սաւուղ եղբայր, վեր նայէ: Տէր Յիսուս զրկեց զիս, այն որ քեզի երեցաւ այն ճամբուն վրայ ուրկէ կու գայիր: Զիս զրկեց որպէսզի աչքերդ բացուին եւ դուն Սուրբ Հոգիով լեցուիս:»

Անոր աչքերէն թեփի նման բան կը թափեցաւ եւ ան սկսաւ տեսնել:


Սաւուղ մկրտուեցաւ եւ Դամասկոսի մէջ Յիսուսի հաւատացողներուն միացաւ: Յետոյ ան ժողովարան երթալով, սկսաւ Յիսուսը քարոզել: Լսողները զարմացած կ'ըսէին. « Այս այն մարդը չէ՞ր որ Երուսաղէմի մէջ կատաղօրէն կը հալածէր անոնք որոնք Յիսուսը կը պաշտէին»:

Սաւուղ զօրաւոր ապացոյցներով կը համոզէր զանոնք որ Յիսուս Օծեալ Փրկիչն է, եւ կ'ըսէր. «Ան Աստուծոյ Որդին է»:

Հրեաները համոզուեցան որ Սաւուղ Քրիստոսի հետետորդներէն մէկը դարձած է եւ որոշեցին զինք հետապնդել եւ սպաննել:

Քաղաքի դռներուն մօտ պահակներ դրին որպէսզի Սաւուղ չկարենայ դուրս գալ: Դամասկոսի հաւատացեալները ազատեցին Սաւուղը: Զինք նստեցուցին նեղ կողովի մը մէջ եւ իջեցուցին քաղաքի պարիսպէն վար:

Մանկապարտեզի անկիւն



Ամբողջացո՛ւր «Ղուկաս 2.8-14»

Հովիւներ, խաղաղութի՛ւն, Փրկիչը, խանձարուրով, հաճութիւն, հրեշտակը, աւետիս, Օծեալ

Այնտեղ, դաշտերուն մէջ ----- կային, որոնք գիշերով իրենց հօտերուն պահակութիւն կ'ընէին: Տիրոջ ----- անոնց երեցաւ եւ Տիրոջ փառքը լոյսի պէս անոնց վրայ ծագեցաւ: Հովիւները սաստիկ վախցան. հրեշտակը ըսաւ անոնց. - Մի՛ վախնաք, ձեզի ----- մը պիտի տամ, որ ամբողջ ժողովուրդին մեծ ուրախութիւն պիտի պատճառէ: Այսօր, Դաւիթի քաղաքին մէջ ձեր ----- ծնաւ, որ ----- Տէրն է: Հետեւեալը ապացոյց ըլլայ ձեզի.- հոն մանուկ մը պիտի գտնէք՝ ----- փաթթուած եւ մսորի մէջ դրուած:

Եւ յանկարծ այդ հրեշտակին միացաւ երկնաւոր զօրքերու բազմութիւն մը, որ կ'օրհնաբանէր զԱստուած, ըսելով.

«Բարձունքներուն մէջ Աստուծոյ փա՛ռք, ----- երկրի վրայ եւ մարդոց միջեւ ----- »

Նախակրթարանի անկիւն

Ա. Բաժին

1.- Յիսուս ինչպէ՛ս կրցաւ 40 որ անօթի մնալ անապատին մէջ:

- ա.- Հետը ջուր եւ կերակուր տարաւ:
- բ.- Աղօթելով:
- գ.- Բարի կին մը ամէն օր իրեն կերակուր կը տանէր:
- դ.- Անապատ երթալէն առաջ շատ ճաշ կերաւ:

2.- Յիսուս քանի՞ անգամ փորձուեցաւ Սատանայէն:

- ա.- 1
- բ.- 2
- գ.- 3
- դ.- 4

3.- Ամբողջացո՛ւր ըստ Դուկաս 4:4 ի

Յիսուս պատասխանեց. Օրէնքի գիրքին մէջ գրուած է «Մարդ միայն ----- չ'ապրիր, այլ ----- խօսքերով:

4.-Ամբողջացո՛ւր ըստ Մտթէնս 4:10 ի
Այն ատեն Յիսուս ըսաւ անոր. Ետի՛ս գնա, որովհետեւ Օրէնքի Գիրքին մէջ գրուած է.«Քու Տէր ----- պէտք է պաշտես եւ միայն անո՛ր -----:

5.- Հարիւրապետը ի՞նչ խնդրեց Յիսուսէն:

- ա.- Դրամ
- բ.- Առողջութիւն
- գ.- Իր ծառային բժշկութիւնը
- դ.- իր աղջկան բժշկութիւնը

6.- Ամբողջացո՛ւր հետեւեալ աղօթքը
Զգործս ձեռաց ----- ուղիղ արա ի մեզ
-----, եւ ----- ձեռաց մերոց -----

մեզ, Տէր. Ամէն

7.- Յուդա ինչպէ՛ս յանձնեց Յիսուսը հրեաներուն:

- ա.- Մատով ցոյց տալով
- բ.- Զեռնուելով
- գ.- Համբուրելով
- դ.- Քովը կենցալով

8.- Մենք ե՞րբ կը տօնենք Յիսուսի մկրտութիւնը

- ա.- Ծնունդին հետ Յունուար 6 ին
- բ.- Դեկտեմբեր 25 ին
- գ.- Յունուար 13 ին
- դ.- Փետրուար 14 ին

9.- Յակոբի զաւակ Յովսէփը քանի՞ տղայր ունէր:

- ա.- 10
- բ.- 9
- գ.- 11
- դ.- 7

10.- Դաւիթ թագաւորը Աստուածաշունչի գիրքերէն ո՞ր մէկը գրած է:

- ա.- Սաղմոսներ
- բ.- Յոբ
- գ.- Առակներ
- դ.- Եսթեր

Նախակրթարանի անկիւն

Բ. Բաժին

1.- Մկրտուելէ ետք Յիսուս քանի՞ օր ծով քառեց:

- ա.- 40 օր
- բ.- 30 օր
- գ.- 7 օր

2.- Յիսուս իր աշակերտներէն որո՞նք Վէմ կոչեց:

- ա.- Յովհաննէսի
- բ.- Պետրոսի
- գ.- Յակոբոսի

3.- Անդամալոյծի ընկերները ինչո՞ւ տանիքէն իջեցուցին զինք:

- ա.- Տան դռները գոց էին եւ չէին կրնար ներս մտնել:
- բ.- Դռան առջեւ զինուորներ կային որոնք չէին ձգեր որ ներս մտնեն:
- գ.- Փողովուրդը հաւաքուած էր Յիսուսի քարոզը լսելու եւ չէին կրնար ներս մտնել:

4.- Չորս անտարանիչներէն որո՞նք Յիսուսի 12 աշակերտներէն են:

- ա.- Մատթէոս եւ Մարկոս
- բ.- Մարկոս եւ Ղուկաս
- գ.- Ղուկաս եւ Յովհաննէս
- դ.- Յովհաննէս եւ Մատթէոս

5.- Ո՞ր գրուած է:
« Որովհետեւ Աստուած այնքան սիրեց աշխարհը, որ իր միածին որդին տուաւ, որպէսզի անոր հաւատացողը չկորսուի, այլ յաւիտենական կեանք ունենայ:

- ա.- Մատթէոս Յ.16
- բ.- Մարկոս Յ.16
- գ.- Յովհաննէս Յ.16

6.- Ո՞վ կ'ուզէր սպաննել Յիսուս մանուկը:

- ա.- Օգոստոս կայսրը
- բ.- Արքեղայոս թագաւորը
- գ.- Հերովդէս թագաւորը

7.- Յիսուս մանուկը մահէն ազատելու համար Յովսէփ եւ Մարիամ ու՞ր գացին:

- ա.- Սուրիա
- բ.- Եգիպտոս
- գ.- Հրէաստան

8.- Հայաստանեաց Առաքելական Ս. եկեղեցին Ս. Ծնունդը կը տօնէ:

- ա.- Դեկտեմբեր 25-ին
- բ.- Յունուար 6-ին
- գ.- Դեկտեմբեր 31-ին

9.- Ամբողջացուր սաղմոսը:
Օրհնեցէ՛ք զԱստուած անոր-----
մէջ. օրհնեցէ՛ք զայն իր
երկնականարին տակ. Օրհնեցէ՛ք զայն
իր _____ մէջ, Օրհնեցէ՛ք զայն
իր _____ մեծութեան համար:

10.- Սուրբ Յակոբ եկեղեցին իր անուանակոչութեան տօնը կը տօնէ

- ա.- Յունուարի երկրորդ շաբաթը:
- բ.- Դեկտեմբերի երկրորդ շաբաթը:
- գ.- Նոյեմբերի երկրորդ շաբաթը:

Երկրորդականի անկիւն

1.- Քրիստոսի Սուրբ Եկեղեցին ունի 7 Խորհուրդներ: Այդ խորհուրդներէն մէկն է Ապաշխարութիւնը եւ այս Խորհուրդը կրնայ կրկնուիլ: Ապաշխարիւն կը նշանակէ:

ա.- Իսկապէս զղջալ գործած մեղքի մը համար, խոստովանիլ եւ Աստուծմէ թողութիւն խնդրել:

բ.- Ամէն իրիկուն եւ առտու Ճաշու Աւետարան կարդալ:

գ.- Ամէն Կիրակի Ս. Հաղորդութիւն ստանալ:

դ.- Երբէք մեղք չգործել:

2.- Հոռոմայեցիներուն 6:23 ին համաձայն, ի՞նչ է մեղքին վարձատրութիւնը:

ա.- Չարութիւն

բ.- Մահ

գ.- Հարստութիւն

դ.- Փառք

3.- Մեր Տէրը Յիսուս Քրիստոս հաստատեց Ս. հաղորդութեան խորհուրդը վերնատան մէջ, վերջին ընթրիքին ընթացքին: Որո՞նք են Ս. հաղորդութեան զգալի նշանները:

ա.- Բաղարջ հաց եւ անապակ գինի

բ.- Բաղարջ հաց եւ ջուրով խառնուած գինի

գ.- Մաս

դ.- Նշխար

4.- Յովհաննու Աւետարանի 6:53 ին համաձայն, ի՞նչ է որ չենք ունենար եթէ «չուտէք մարդու Որդիին մարմինէն եւ չխմէք անոր արիւնէն» այսինքն Ս. Հաղորդութիւն չստանանք:

ա.- Հանգստութիւն

բ.- Կեանք

գ.- Պատիւ

դ.- Ծնորիք

5.- Ո՞ր երկու Աւետարաններուն մէջ կը գտնենք Տէրունական Աղօթքը:

ա.- Մատթէոս եւ Մարկոս

բ.- Ղուկաս եւ Յովհաննէս

գ.- Մատթէոս եւ Ղուկաս

դ.- Մարկոս եւ Յովհաննէս

6.- Տէրունական Աղօթքին վերջին բառն է Ամէն: Ի՞նչ կը նշանակէ:

ա.- Այդպէս թող ըլլայ

բ.- Բոլոր

գ.- Աստուած մեզի հետ

դ.- Յիսուս մեր Փրկիչն է

7.- Յիսուս յաճախ առականերով խօսեցաւ: Ո՞ր Աւետարանը Յիսուսի ունէ առականերէն մէկը չէ յիշած:

ա.- Մատթէոս

բ.- Մարկոս

գ.- Ղուկաս

դ.- Յովհաննէս

8.- Ղուկաս 15:8-10 Ի «Կորսուած դրամին առակը» համաձայն, հրեշտակները նոյն ձեւով պիտի ուրախանան

ա.- Մեղաւորի մը համար որ կ'ապաշխարիէ

բ.- Արդարի մը համար որ Երկինք կը մտնէ

գ.- Ոչխարի մը համար որ իր հօտին կը միանայ

դ.- Անառակ որդիի մը համար որ իր հօր կը վերադառնայ

9.- Յիսուսի հրաշքները ցոյց կու տան Աստուծոյ ամենակարողութիւնն ու ամենազօրութիւնը: Այս հրաշքներէն ո՞ր մէկը ցոյց կու տայ Քրիստոսի զօրութիւնը բնութեան ուժերուն վրայ:

ա.- Մարկոս 4:35-41

բ.- Մարկոս 2:3-12

գ.- Յովհաննու 11:1-46

դ.- Յովհաննէս 9:1-38

10.- Յիսուսի առաջին հրաշքը ո՞ր քաղաքին մէջ տեղի ունեցաւ:

ա.- Երուսաղէմ

բ.- Նազարէթ

գ.- Կանա

դ.- Երիքով

Ընդհանուրի անկիւն

1. Հայաստանի ո՞ր քաղաքին մէջ կը գտնուի միակ եկեղեցին կամ տաճառը որ հայկական ոճով չէ շինուած.-

- ա- Երեւան
- բ- Գառնի
- գ- Վասպուրական
- դ- Էջմիածին

2. Հաւատամք ի մի Աստուած, ի Հայրն ...

- ա- ամենազօր
- բ- ամենամեծ
- գ- ամենակալ
- դ- ամենագէտ

3- Ո՞րն է տարօրինակ գոյգը.-

- ա- Քշոց - բոժոժ
- բ- Խունկ - բուրվառ
- գ- փարջ - կոնք
- դ- բանկալ - խորան

4- Նոր տարուայ հայկական անուշապուրին մէջ չենք գտներ...

- ա- ծեծած
- բ- չամիչ
- գ- ոուպ
- դ- ընկոյզ

5- Եկեղեցիին աստանը եկեղեցիին ...

- ա- մէջտեղն է
- բ- մուտքն է
- գ- խորանի բաժինն է
- դ- մկրտութեան սենեակն է

6- Կ՛ըսուի թէ հայկական պարի ընթացքին ուսերու արագ թողթղացող շարժումը կը վերագրուի...

- ա- աշնանային տերեւներու շարժումին
- բ- թփրտացող որսացուած ձուկերու շարժումին
- գ- եկեղեցական բոժոժներու շարժումին
- դ- զանգակի մը գունդի շարժումին

7- Ո՞րն է ամենէն նեղը.-

- ա- թաղ
- բ- բապուղի
- գ- պողոտայ
- դ- մայրուղի

8- Հետեւեալներէն ո՞ր մէկը քաղաքի եւ անձի անուն չէ միաժամանակ.-

- ա- գեղարդ
- բ- լորի
- գ- սանան
- դ- տաթել

9- Անձի մը տիկնոջ քրոջ ամուսինը այդ անձին...

- ա- քեռին է
- բ- քեցեկալն է
- գ- քեցին է
- դ- զարմիկն է

10- Ըստ ասացուածքին, ձուկը ...

- ա- գլխէն կը հոտի
- բ- պոչէն կը հոտի
- գ- լման կը հոտի
- դ- շատոնց կը հոտի

Նույնբեր ամսուան պատասխանները

Մանակապարտէզի անկիւն

Մանուկները, Երկնքի, Արքայութիւնը

Նախակրթարանի անկիւն Ա. Բաժին

1. բ. Երուսաղէմ
2. գ. Յիսուսը կորսնցուցած էին
3. դ. Տաճարին մէջ
4. դ. 30
5. Որդիս, հաճեցայ
6. Կեանքը, մեռնի, ողջ է, չմեռնի
7. ա. 3 անգամ
8. գ. Մարիամ Մագդաղենացի
9. բ. Սաուղ
10. դ. անապատէն մեծ հով մը եկաւ եւ զարկաւ իրենց տունը

Նախակրթարանի անկիւն Բ. Բաժին

1. բ. Ադամ եւ Եւա
2. գ. Զաքարիա համր եղաւ մինչեւ Յովհաննէսի ծնունդը
3. Աստուած, ամենակալ, երկնի եւ երկրի, աներեւութից
4. գ. Հոկտեմբեր
5. բ. Ս. Թադէոս եւ Ս. Բարթողոմէոս
6. բ. Զգեցէք որ մանուկները ինձի գան ...
7. բ. Մատթէոս 7:24
8. գ. Տրդատ
9. ա. Մովսէսի
10. Զախէն աջ: Աշտանակ, Սկիհ, Խաշ, Բուրվառ

Երկրորդականի անկիւն

1. ա. Մեր Տէրը Յիսուս Քրիստոս
2. ա. Զուրը
3. գ. Ս. Երրորդութեան Անունով
4. դ. Հեղմամբ, Ընկղմամբ եւ Սրկմամբ
5. բ. Ս. Միւռոնը
6. ա. Մկրտութենէն անմիջապէս ետք
7. ա. Աստուծոյ Գառնուկը
8. ա. Որպէսզի լեցուն կեանք ունենանք
9. ա. Մատթէոս 5,6,7
10. ա. անոնք որոնք սիրտով մաքուր են

Ընդհանուրի անկիւն

1. գ. ճիշակ
2. բ. զարդարուիլ կը սիրէ
3. դ. Կրօնաւոր է
4. բ. Զար մշակները
5. գ. Կիրակոսի
6. բ. ան հիմնուած է Յիսուսի առաքեալներուն կողմէ
7. բ. Ղարաբաղի
8. գ. Սայաթ Նովան
9. ա. 6 է կեսօրէ ետք

Նույնբեր ամսուան մասնակցողներ

Մանակապարտէզ

Անսխալ պատասխանողներ

Սեւակ Պապիկեան, Արին Անթէպեան, Կիլէն Կարիբէլեան, Արազ Գաբթանճեան, Գեորգ Պուլիքեան, Կարպիս Կարապետեան, Զոհրապ Կարապետեան, Լոռի Զուխանեան, Անի Զուխանեան, Փաթիլ Գասապեան, Մհեր Մատթէոսեան

Նախ Ա. բաժին

Դալար Գաբթանճեան, Ներսէս Նասոյեան, Նարեկ Նասոյեան, Քրիստ Նազարեան

Անսխալ պատասխանողներ

Առէն Պապիկեան, Նաթալի Սեթեան

Նախ Բ. բաժին

Յակոբ Զուխանեան, Գօգօ Մատթէոսեան Լորա Սարիմանուկեան, Թամար Պուլիքեան

Անսխալ պատասխանողներ

Պետիկ Նազարեան եւ Ռուբէն Սէթեան

Երկրորդական

Յովիկ Կարապետեան, Մարիա Կարապետեան, Արայի Խաչատուրեան, Թալին Նայիմ, Ալին Սուլաքեան, Կարօ Կարապետեան, Լոռի Քէօսէյեան, Ռաֆֆի Թաշճեան

Անսխալ պատասխանող

Թամար Գիզիրեան

Կարճ պատմական Հայաստանեայց Առաքելական Սուրբ Յակոբ Մայր եկեղեցույ



Մոնթրեալի մէջ բնակող հայերու թիւը միշտ չէ եղած այսօրուան պէս մեծ: Առաջին համաշխարհային պատերազմէն մինչեւ 1950-ի սկիզբները Մոնթրեալի հայութիւնը կը հաշուէր շուրջ 100 հոգի: Յիսունական թուականներուն է որ գաղթի շարժում մը կը սկսի դէպի Գանատա, յատկապէս դէպի Մոնթրեալ: Գաղթողները կու գային Յունաստանէն, Եգիպտոսէն, Ֆրանսայէն, Սուրիայէն, Լիբանանէն եւ Թուրքիայէն: Այս ալիքին իբր բնական հետեւանք, գաղթող այս հայերուն մօտ կը ծնի փափաքն ու կարիքը ստեղծելու ազգային հաւաքավայր մը ուր կարելի պիտի ըլլար պահպանել հայ ինքնութիւնը, հայ կրօնը, լեզուն եւ մշակոյթը:

Սկիզբը Մոնթրեալի հայութիւնը կը գնէ Սէն Զօթիք փողոցին վրայ շէնք մը որ տարիներէ ի վեր կը ծառայէր իբր շտեմարան: Անհրաժեշտ նորոգութիւններէ ետք, այդ շէնքէն ներս հաւատացեալներու ձեռքով կը պատրաստուի խորան մը որուն վրայ կը մատուցուի առաջին պատարագ մը, 1959-ի Զատիկուան տօնին առթիւ: Սակայն գաղթողներու թիւը օրէ օր կը բազմանայ ու կարիքը կը զգացուի ընդարձակուելու:

Այն հողը որուն վրայ այսօր կառուցած է Սուրբ Յակոբ եկեղեցին գնուած է 1966-ին: 1972-ի Հոկտեմբերին կը գետեղուին անոր հիմնաքարերը արարողութեան մը ընթացքին ուր եկեղեցիին դպրաց դասը կ'երգէ Ուրախ լեր շարականը ու հայրենիքէն բերուած հող կը խառնուի հիմնաքարերուն:

1973-ի գարնան, կ'իրագործուի ծրագիրը ու Մոնթրեալի հայութիւնը տէր կը դառնայ իր սեփական եկեղեցիին եւ մշակութային ու ընկերային կեդրոնին: Նիւթական սահմանափակ պայմաններուն պատճառաւ կ'որոշուի շինարարական ընդհանուր ծրագիրը իրականացնել հանգրուան առ հանգրուան, ու այդպէս է որ ներկայի ծաղկոցի եւ մարգարանի բաժինները կը կառուցուին աւելի ուշ: Եկեղեցույ շէնքը կը վերանորոգուի 2001 ին:

Վերջին եղեւինը



Քոյր ու եղբայր, երկու երեխայ, Նոր տարուան նախօրեակին գացին եղեւինի ճիւղ մը գնելու: Անոնք շաբաթ մըն է կը թափառէին քաղաքը ու չէին կրնար գնել գոնէ ամենփոքրիկ տօնածառ մը: Անոնց ունեցած դրամը շատ քիչ էր ու այդ պատճառաւ որոշեցին եղեւինը վերջին օրը գնել որպէսզի աժան ըլլայ:

Օրը մթնցաւ: Վաճառուեր էին գրեթէ բոլոր եղեւինները: Մնացեր էր միայն երեք ծառ: Այդ սաստիկ ցուրտին երեխաները անշարժ կանգներ ու փայտացեր էին: Աշխուժութիւն կար միայն անոնց աչքերուն մէջ, որոնք յառեր էին ամենափոքր եղեւինին: Յարմար պահու մը անոնք մօտեցան վաճառողին.

- Այդ փոքրիկ եղեւինը մեզի տուէք, պարո՛ն, ըսաւ տղան, որ հազիւ տասներկու տարեկան կար եւ հագեր էր հնամաշ ու կարճ վերարկու մը: - Մենք խոստացեր ենք Նոր տարուան գիշերը զարդարուած ծառ մը նուիրել մեր փոքրիկ քրոջը, որ ծանր հիւանդ պառկած է տունը:

Կիսամուշտակ հագած բարձրահասակ վաճառողը արդէն ծանօթ էր երեխաներուն կարողութեան: Անոնք շաբաթէ մը ի վեր շարունակ կը դիմէին իրեն նոյն պահանջով:

- Չեմ կրնար ձեր ունեցած դրամով տալ, չեմ կրնար, հասկցէ՛ք:

Երեխաները հեռացան ու կանգնեցան դիմացի պատին տակ:

Քիչ մը ետք երկու ուշացած յաճախորդներ գնեցին մնացած երեք ծառերէն երկուքը: Մնաց վերջինը՝ փոքրիկ եղեւինը:

Քոյր ու եղբայր յուզուած մօտեցան եւ ուղիղ նայեցան վաճառողին աչքերուն... Վաճառողը քանի մը անգամ անցուդարձ ըրաւ եւ սպասեց նոր յաճախորդներու, բայց ի զուր: Չգալով որ կը սառի, որոշեց երթալ տուն:

-Հէ՛յ, երեխաներ,- յանկարծ ձայնեց վաճառողը:

Քոյր ու եղբայր պահ մը վարանեցան եւ ապա անհամարձակ քայլերով մօտեցան:

-Առէ՛ք, այս եղեւինն ալ ձեզ... .

Երեխաները ուրախացան եւ իրենց սառած ձեռքերով սկսան թօթուել եղեւինին վրայ նստած ձիւնը:

-Կեցէ՛ք,- լսուցաւ յանկարծ սուր ճիչ մը:

Երեխաները վախցած ետեւ նայեցան: Մայթին մօտեցող շքեղ ինքնաշարժէ մը դուրս նետուցաւ լաւ հագուած տղայ մը.

-Այդ ի՛մ եղեւինս է,- պոռաց ան եւ խլեց անոնց ձեռքէն: Ետ առէք ձեր տուած դրամը, ես տասնապատիկը կը վճարեմ, հարուստ եմ... .

Իսկ ի՞նչ կը կարծէք որոշեց վաճառականը: Որո՞ւ պիտի տար իր վերջին փոքրիկ եղեւինը... .

Պահուած բառ

խ	մ	ա	յ	ր	հ	ն	շ
ն	ա	լ	ի	ք	ն	տ	շ
ն	տ	ե	ս	ն	ե	լ	ն
ն	ա	լ	ն	լ	ր	ա	լ
յ	ն	ն	լ	պ	ա	ր	ն
ք	ի	ր	ս	գ	ի	ն	ի
կ	ա	ր	ա	ս	ի	ր	ր
ա	ա	ն	ք	գ	ա	ն	ձ

- Ալիքոս
- Խնճոք
- Շուն
- Տեսնել
- Աւուր
- Նուպար
- Ոտ
- Լար
- Մատանի
- Մայր
- Ալեւոր
- Ան
- Կարասի
- Յիսուս
- Գինի
- Գանձ
- Զրի

Նոյեմբեր Ամսուան Պահուած
բառը
ԿԻՐԱԿՆՕՐԵԱՅ

Սուրբ Յակոբի նուիրում
շարականը

Թարգմանեց՝ Տէր Գառնիկ քհնյ. Գոյունեան

Ով յաղթական եւ սուրբ հայրապետ, որ
նման եւ Մովսէս մեծ Մարգարէին: Դուն, բարի
հպարտութեան խաչը մարտական կեցուածքով
բարձրացնող. Երկնաւոր Հօր մօտ մեզի համար
քեզ բարեխօս ունինք:

Սուրբ Հոգիին առաքումով ճգնական կեանքէ
եկար եւ մեծ մկրտիչ Յովհաննէսի պէս
արժանացար մեծ պատիւի դառնալով երգակից
հրեշտակներուն. Երկնաւոր Հօր մօտ քեզ
բարեխօս ունինք:

Զարմանալի հրաշագործութիւններով
հզօրօրէն ազդեցիր. դուն նման Պետրոս մեծ
Առաքեալի Քրիստոսի ընտրեալ հօտին
շնորհուեցար Աստուծոյ կողմէ. Երկնաւոր Հօր
մօտ քեզ բարեխօս ունինք:

Երկնքի զօրքերը քու մեծ ճգնութեանդ վրայ
ուրախացան. դուն, թէեւ մարմնի մէջ, սակայն
ինքզիքդ ստեղծեցիր՝ նման երկնային
զուարթուններուն. Երկնաւոր Հօր մօտ քեզ
բարեխօս ունինք:

Սուրբ արցունքներուդ բխումով կեանք կու
տայիր մեռեալներուն, նման Յիսուս փրկչին՝
Ղազարոսի կեանք տուողին. Երկնաւոր Հօր մօտ
քեզ բարեխօս ունինք:

Ահա մենք ցնծալից ձայնով սուրբ յիշատակդ
կը տօնենք, ով պատուեալ վկայ, դուն Քրիստոսի
նուիրում սուրբ հայրապետ. Երկնաւոր Հօր մօտ
քեզ բարեխօս ունինք:

Նոյեան տապանը գտնելու համար
շարշարանքներ յանձն առիր եւ հրեշտակէն
ստացար աշխարհի փրկութեան փայտը.
Երկնաւոր Հօր մօտ քեզ բարեխօս ունինք:

Կարճ Լուրեր Կիրակնօրեայէն

- Կիրակի 1 Դեկտեմբեր, 2002-ի առաւօտեան ժամը 11:00-ին Կիրակնօրեայ Դպրոցէն 61 աշակերտներ մասնակցեցան Սուրբ Յակոբ մայր Եկեղեցւոյ Սուրբ Պատարագի արարողութեան: Զգալի էր նախ. Գ. Դ. Ե. Զ. եւ Երկր. Ա. Բ. Գ. դասարաններու աշակերտներուն մասնակցութիւնը երգեցողութեան եւ հաւատամքին Սուրբ Պատարագի յատուկ գիրքերուն հետեւելով: Ժամը 12-ին աշակերտները վերադարձան դպրոց:
- Ներկայիս Կիրակնօրեայ Դպրոցին արձանագրուած աշակերտներուն թիւն է 90:
- Կիրակնօրեայ Դպրոցը Սուրբ Ծնունդը պիտի տօնէ Դեկտեմբեր 29 ին:
- Կաղանդ Պապան պիտի այցելէ Կիրակնօրեայ Դպրոց Դեկտեմբեր 29 ին:

«Ճաշու Աւետարանը»

Կը գտնուի նաեւ համացանցի (internet) վրայ: Այցելեցէ՛ք www.sourphagop.org Զախ կողմի կոճակներէն «Ճաշու Աւետարան»ը ձեզ կ'ուղղէ դէպի ներկայ եւ նախկին շաբաթներուն Ճաշու Աւետարանի հատուածներուն...

«ՄԱՇՏՈՑԻ ԱՐՁԱԳԱՆԳ»ը

Կը գտնուի նաեւ համացանցի (internet) վրայ: Այցելեցէ՛ք www.sourphagop.org Զախ կողմի կոճակներէն «Պարբերաթերթ»ը ձեզ կ'ուղղէ դէպի «ՄԱՇՏՈՑԻ ԱՐՁԱԳԱՆԳ»ի ներկայ եւ նախկին թիւերուն ...

Մաշտոցի Արձագանգի այս թիւին իրենց մասնակցութիւնը բերին.-
Յասմիկ Նաճարեան, Երան Լոշխանեան, Գարոլ Գաբթանճեան, Նիկոլ Դանիէլեան, Թորոս Պապիկեան, Տէր Գառնիկ քինյ Գոյունեան:

Հայաստանեայց Առաքելական Սուրբ Յակոբ Մայր Եկեղեցւոյ Կիրակնօրեայ դպրոցի կամաւոր խմբակր.-
Ուսուցիչներ՝ Մարիա Քէօսէ՛յեան, Անի Գըլընճեան, Վերա Կարապետեան, Երան Լոշխանեան,
Գարոլ Գաբթանճեան, Յասմիկ Նաճարեան, Յասմիկ Քանանեան, Սազօ Ասատուրեան, Շողիկ Նաճարեան,
Տնօրէն՝ Թորոս Պապիկեան, Կայքէջ՝ Րաֆֆի Պապիկեան, Լուսանկարիչ՝ Նիկոլ Դանիէլեան,
Պարբերաթերթ՝ Շաղիկ Պոյանեան: